

# Independentzia eraikitzen Herri buruaskitasuna

## Udako topaketak

### Behorlegi Euskaledonian agorrilaren 8tik 14ra

#### Antolaketa

Topaketak Behorlegi Euskaledonian: akanpalekua, aterbea, sukalde kolektiboa, dutxak eta komun idorrak ([ikus hemen argazkiak](#)).

Topaketen hasiera: harrera agorrilaren 8an, astelehenez, 11:00.

Sukaldaritzarako eta garbiketarako lan txandak.

Goizeko zortzietan gosaria, ordu batetan bazkaria eta gaueko zortzietan afaria.

Gauerdi eta goizeko zortziak artean isiltasuna nahi dutenak errespetatzen.

Elikadura: hurbileko giza taldean autosufizientzia maila goran ekoizten ahal diren elikagaiak: artoa, arrautzeak, patata gozoa, manioka, taroa, ignama, kinoa, amaranta, ilarrak, intxaurrak, fruituak, barazkiak... eta igandean sei orduz gerrenean osoki erretako txerrikia!

Lehen eguneko (agorrilaren 8a, astelehena) bazkaria eta afaria, bakoitzak etxetik ekartzen. Gosarietan fruituak eskainiko.

Bakoitzak ekarritako hondakin ez organikoak bakoitzak eramaten.

Eguraldi oso txarra balitz, teilatu pean lo egiteko aukera egongo da. Bero haundia balitz, ekintzak goizean eta eztabaidak arratsaldean itzalean.

Herriko abereek iraganean jasandako erasoengatik, hobe txakurrik ez ekartzea. Txakurrekin datozenen ardura da etengabe zaintzea eta beharrez lotzea.

Badituenak, elgar eskaintzeko haziak ekar.

Eztabaiden oinarri teorikoak aintzinetik irakur.

Topaketen bukaera, agorrilaren 14an, igande arratsaldean: bazkalondoan garbiketa.

## Egitarau zehatza eta eztabaiden oinarri teorikoak

### Eguneko gaiaren oinarri teorikoa, eztabaida aintzin bakoitzak irakur dezala

**Agorrilaren 8a, astelehena: Mintzatu**

**15:00**

Euskararen erabilpenarekiko Herribiltzak duen ikuspegia zehaztea helburu duen oinarri teorikoaren inguruko eztabaida.

Herribiltzaren Euskara Batzordearen sortzea. Helburua: euskararen erabilpenarekiko Herribiltzak duen ikuspegia ezagutaraztea.

Herribiltzaren Itzulpen Batzordearen sortzea. Helburua: Herribiltzaren bilkurentzat eta idatzientzat, edota Herribiltzak antolatzen dituen ekintzentzat, itzulpengintza bermatzea.

Euskararen aldeko Herribiltzaren kanpainaren prestaketa.

**Oinarri teorikoa:**

### Euskarak bizirik iraun dezan: Herribiltza!

Euskal Herrian euskaraz bizi nahi dugu, hau da, gure eguneroko aktibitate guziak euskaraz egiteko posibilitatea ukan nahi dugu.

Hizkuntza batek, bizitzeko, lurralde bat nun herritarrak lehentasunez eta nagusitasunez hizkuntza horretan mintzatzaren behar du.

Frantziar eta Espainiar estatuen konstituzioek eta legeek, eta ondorioz beren instituzio politiko guziek, tartean Herriko Etxeek eta Udalek, Ipar Euskal Herriko Hiri Elkargoak eta Euskadiko eta Nafarroa Garaiko autonomiek, ez dute euskararen bizirik irautea bermatzen.

Konstituzio eta lege bidegabe hauen aldatzea oso oso zaila denez, estatu hauen menpe diren instituzio politikoaren baretik euskararen bizirik irautea bermatzea ezinezkoa da, hauteskundeetan irabaziz ere.

Gauzak hola, euskararen biziraupena bermatzeko, euskal herriaren konstituzioak eta legeek arautuko dituzten instituzio politiko burujabeak eraiki behar ditugu, erabakitzeko ahalmena herritarren eskuetan izatea bermatuko dutenak, eta Frantziar eta Espainiar estatuengandik independenteak izango direnak.

Herritarrak egiazki erabakitzaileak izateko, instituzio politikoak herritarren biltzar burujabeak izan behar dira. Horretarako, Herribiltza, Euskal Herritarren Biltzarren Elkargoa, eraikitzen ari gara.

### Euskara Herribiltzan: «Euskaraz bizitzeko, lehenik eta nagusiki euskaraz!»

Herribiltzan edozoin hizkuntza erabil daiteke, munduko hizkuntza guziak maite ditugulako, baina lehentasuna eta nagusitasuna euskarari emaiten diogu. Euskaraz mintzatzaren ez dakitenak ikastera gomitatzen ditugu ; haientzat itzulpenak egiten ditugu, baina ez beti, eta ez baitezpada osoki.

Erdaldunei, Herribiltzaren bilkurentzat, idatzientzat eta ekintzentzat, itzulpengintzaren antolaketaren arduraren hartzea eskatzen diegu: Itzulpen Batzordean esku hartuz, lagun itzultzaileak bilkuretara eta ekintzetara ekarriz, lagun itzultzaileei idazkien itzulpena eginaraziz, ahozko itzulpenerako material elektronikoa ekarriz...

Euskal Herriko erakunde politiko, ekonomiko, sozial eta kultural gehienek, ez diote euskarari lehentasuna eta nagusitasuna emaiten, eta ondorioz desagertzera kondenatzen dute. Horregatik, euskaltzale guziak, Herribiltzako kide izaitera gomitatzen ditugu, euskarari lehentasuna eta nagusitasuna emaiten dion Euskal Herri osoko instituzio politikoa baida. Euskarak Herribiltza behar du!

# **Eguneko gaiaren oinarri teorikoa, eztabaida aintzin bakoitzak irakur dezala**

## **Agorrilaren 9a, asteartea: Berotu**

### **9:00**

Hurbileko giza taldeen autosufizientzia berotzeko energian gaiarekiko, Herribiltzak duen ikuspegia zehaztea helburu duen oinarri teorikoaren inguruko eztabaida.

Herribiltzaren Autosufizientzia Berotzeko eta Sukaldatzeko Energian Batzordearen sortzea. Helburua:

- Arbolak landatu;
- Surako egurraren ekoizpenerako tresna ahal bezain sinpleak ekoiztu;
- Bizitegi indibidualetan eta kolektiboetan egurrarekin sukaldatzeko eta berotzeko tresna ahal bezain sinpleak ekoiztu;
- Hiritar aintz hirietatik herrietara bizitzera joaiten lagundu.

### **15:00**

- Surako egurraren ekoizpenerako tresnen behaketa eta erabiltzen ikastea: aizkora, trontza...
- egurrarekin sukaldatzeko eta berotzeko tresnen behaketa.

## **Oinarri teorikoa:**

### **Hurbileko giza taldeen autosufizientzia energetikoa eraikitzen**

#### **Zergatik berotzeko energiaren eskasia arriskua dugu Euskal Herrian?**

Berotzeko egurra egiteko tresnak, makinak eta makina hauendako energia mundu mailako merkatutik datoz. Berotzeko beste energia iturriak (elektrizitatea, gasa...) eta berogailuak mundu mailako merkatutik datoz ere.

Merkatuan ekoizpen edota banaketa arazoak baldin badira, merkatutik eskuratzen duguna eskasten ahal da. Merkatuan arazoak sortzen dituzte: gerlek, beroketa klimatikoak, pandemiek, lehengaien (ura, petrolio, metal urriak...) agortzeak, laborantxako lurren kaltetzeak, kapitalismoaren barne logikak (burtsen gainbehera...), esplotazioak eragindako langileen matxinadak...

Azken garaian merkatuan gero eta arazo gehiago izan da, eta gero eta gehiago izanen direla pentsa daiteke. Berotzeko energia ekoizteko bitartekoen prezioak azkarki goititu dira.

#### **Nola berotzeko energiaren eskasia aurreikus dezakegu Euskal Herrian?**

Bizitegi indibidualetan eta kolektiboetan egurrarekin sukaldatzeko eta berotzeko tresna ahal bezain sinpleak ekoiztu.

Arbolak landa, aintz, aintz aintz.

Surako egurraren ekoizpenerako tresna ahal bezain sinpleak ekoiztu.

Hiritar aintz hirietatik herrietara bizitzera joaiten lagundu.

#### **Berotzeko energia autosufizientzian Euskal Herrian ekoiztearen ondorioak**

Berotzeko energiaren eskasia arriskua aintz ttipitzen dugu.

Berotzeko bitartekoen ekoizpenean, garraioan, erabilpenean, konponketan, berziklapenean eta desegitean sortzen den kutsadura aintz guttitzen dugu eta ondorioz beroketa klimatikoa ere.

Behar duguna guhaurek gero eta gehiago ekoiztuz, beste langileen esplotazioa ttipitzen dugu.

Kontsumoa ttipitzen dugu, ondorioz lehengaien agortze arriskua apaltzen dugu, eta ondorioz munduko herritar guzientzat aski lehengai izaiteko posibilitatea haunditzen dugu.

Denen osagarria hobetzen dugu.

#### **Berotzeko energia munduko herritar guziek autosufizientzian ekoiztu ahal izaiteko baldintza**

Denek lurra, lehengaiak eta ekoizpen bitartekoak erabiltzeko posibilitate berdina ukan behar dugu, hau da, lurra, lehengaiak eta ekoizpen bitartekoak denentzat berdintasunez eskuragarri izan behar dira. Adibidez, bere etxea berotzeko egurra nahi duen orok, oihanetik egurra hartzeko eta arbolak landatzeko posibilitatea ukan behar du.

Berotzeko energia ekoizten dutenen eta beste ekoizpen batzu egiten dituztenen artean, elgar eskaintza garatu: eman eta hartu, hartu eta eman, har eta eman, harreman.

Berotzeko eta sukaldatzeko energien prezioen goititzeak, eta eskasia arriskuak, kezkatzen gaituzte, baina herritarren artean arriskua aurreikustea pozgarria zaigu.

# **Eguneko gaiaren oinarri teorikoa, eztabaida aintzin bakoitzak irakur dezala**

**Agorrilaren 10a, asteazkena: Elikatu**

**9:00**

Hurbileko giza taldeen autosufizientzia elikaduran gaiarekiko, Herribiltzak duen ikuspegia zehaztea helburu duen oinarri teorikoaren inguruko eztabaida.

Herribiltzaren Autosufizientzia Elikaduran Batzordearen sortzea. Helburua:

- elikagaiak hurbileko giza taldeetan ahal bezainbat ekoiztu;
- elikagaiak ekoizteko tresna ahal bezain sinpleak erabil; tresna horiek ahal bezain hurbil ekoiztu;
- hazien Euskal Herriko elgar eskaintza sarea sortu.
- elikagaien ekoizpen autosufizienterako jakitateen Euskal Herriko truke sarea sortu.

**15:00**

- Autosufizientziarako baratzeen bisita eta esperientzia trukaketak;
- baratzegintza autosufizienterako tresnen behaketa;
- hazi elgar eskaintza.

**Oinarri teorikoa:**

## **Hurbileko giza taldeen autosufizientzia eraikitzen elikaduran**

### **Zergatik janari eta ur edangarri eskasia arriskua dugu Euskal Herrian?**

Euskal Herrian jaten dugun gehiena ez dugu Euskal Herrian ekoizten, mundu mailako merkatutik eskuratzen dugu.

Euskal Herrian ekoizten ditugun janaria eta ur edangarria ekoizteko, nagusiki mundu mailako merkatutik datozen ekoizpen bitartekoak erabiltzen ditugu: haziak, janaria abereendako, tresnak eta makinak, energia sukaldatzeko eta makinak ibilarazteko...

Ekoizten dugun janaria kontserbatzeko ere, nazioarteko merkatutik datozen bitartekoak erabiltzen ditugu: hozgailuak, hormagailuak, esterilizatzeko tresnak, gatza, energia...

Merkatuan ekoizpen edota banaketa arazoak baldin badira, merkatutik eskuratzen duguna eskasten ahal da. Merkaturan arazoak sortzen dituzte: gerlek, beroketa klimatikoak, pandemiak, lehengaien (ura, petrolio, metal urriak...) agortzeak, laborantxako lurren kaltetzeak, kapitalismoaren barne logikak (burtsen gainbehera...), esplotazioak eragindako langileen matxinadak...

Azken garaian merkaturan gero eta arazo gehiago izan da, eta gero eta gehiago izanen dela pentsa daiteke. Janaria eta ur edangarria ekoizteko bitartekoak eta elikagaien prezioak azkarki goititu dira. Pandemia garaian saltegietan elikagai batzu eskatu dira.

### **Nola janari eta ur edangarri eskasia aurreikus dezakegu Euskal Herrian?**

Jaten duguna ahal bezainbat hurbileko giza taldean ekoiztu.

Janaria eta ura ekoizteko bitartekoak ahal bezain sinpleak erabil. Tresna horiek ahal bezain hurbil ekoiztu.

Haziak elgar eskaini.

Elikagaien ekoizpen autosufizienterako jakitateak trukatu.

Jaten ditugun abereen janaria Euskal Herrian ekoiztu.

Erreketako eta iturrietako uraren kalitatea zaindu.

Itsasoko uraren kalitatea eta arrain kopurua zaindu.

### **Janaria eta ur edangarria autosufizientzian Euskal Herrian ekoiztearen ondorioak**

Janari eta ur eskasia arriskua aintz ttipitzen dugu.

Janariaren eta uraren ekoizpenean eta garraioan sortzen den kutsadura aintz guttitzen dugu eta ondorioz beroketa klimatikoa ere.

Behar duguna guhaurek gero eta gehiago ekoiztuz, beste langileen esplotazioa ttipitzen dugu.

Kontsumoa ttipitzen dugu, ondorioz lehengaien agortze arriskua ttipitzen dugu, eta ondorioz munduko herritar guzientzat aski lehengai izaiteko posibilitatea haunditzen dugu.

Denen osagarria hobetzen dugu.

**Janaria eta ur edangarria munduko herri guziek autosufizientzian ekoiztu ahal izaiteko baldintza**

Denek lurra, lehengaiak eta ekoizpen bitartekoak erabiltzeko posibilitate berdina ukan behar dugu, hau da, lurra, lehengaiak eta ekoizpen bitartekoak denentzat berdintasunez eskuragarri izan behar dira. Adibidez, bere elikagaiak ekoizteko lurra nahi duen orok, lurra lantzeko posibilitatea ukan behar du.

Janaria edota ur edangarria ekoizten dutenen eta beste ekoizpen batzu egiten dituztenen artean, elgar eskaintza edo truke zuzena garatu: eman eta hartu, hartu eta eman, har eta eman, harreman.

Janariaren eta uraren prezioen goititzeak, eta eskasia arriskuak, kezkatzen gaituzte, baina euskal herritarren artean arriskua aurreikustea pozgarria zaigu.

# Eguneko gaiaren oinarri teorikoa, eztabaida aintzin bakoitzak irakur dezala

## Agorrilaren 11a, osteguna: Sendatu

### **9:00**

Hurbileko giza taldearen autosufizientzia sendaketan gaiarekiko, Herribiltzak duen ikuspegia zehaztea helburu duen oinarri teorikoaren inguruko eztabaida.

Herribiltzaren Autosufizientzia Sendaketan Batzordearen sortzea. Helburua:

- gure osagarria gehiago zaindu: hobeki jan, jarduera fisikoa egin, osasun mentala zaindu, ongi arnastu, urduritasuna ttipitu...
- sendagaiak eta sendatzeko tresnak ekoiztu;
- hurbileko ospitale autonomoak eraiki.

### **15:00**

- Lur lana osasungarria izaiteko, lana egiterakoan gorputza malgutzeko eta indartzeko teknikak: beroketak, gorputzaren posizioa, lan mugimendu egokiak, luzaketak...
- arnasketa ariketak eta ukendu ekoizpena.

## **Oinarri teorikoa:**

### Hurbileko giza taldeen autosufizientzia eraikitzen sendaketan

#### Zergatik sendagai eta sendatzeko tresna eskasia arriskua dugu Euskal Herrian?

Euskal Herrian erabiltzen ditugun sendatzeko tresnak eta artatzeko tresnak nagusiki mundu mailako merkatutik datoz.

Euskal Herrian ekoizten ditugun sendagaien ekoizteko, nagusiki mundu mailako merkatutik datozen ekoizpen bitartekoak erabiltzen ditugu: haziak, landareak, produktu kimikoak, tresnak eta makinak, energia makinak ibilarazteko...

Merkatuan ekoizpen edota banaketa arazoak baldin badira, merkatutik eskuratzen duguna eskasten ahal da. Merkatuan arazoak sortzen dituzte: gerlek, beroketa klimatikoak, pandemiek, lehengaien (ura, petrolioa, metal urriak...) agortzeak, laborantxako lurren kaltetzeak, kapitalismoaren barne logikak (burtsen gainbehera...), esplotazioak eragindako langileen matxinadak...

Azken garaian merkatuan gero eta arazo gehiago izan da, eta gero eta gehiago izanen direla pentsa daiteke. Sendagai batzuen eta arten prezioak goititu dira.

#### Nola sendagaien eta sendatzeko tresnen eskasia aurreikus dezakegu Euskal Herrian?

Gure osagarria gehiago zaindu: hobeki jan, jarduera fisikoa egin, osasun mentala zaindu, ongi arnastu, urduritasuna ttipitu...

Sendagaiak eta sendatzeko tresnak ekoiztu.

Hurbileko ospitale autonomoak eraiki.

#### Sendagaiak eta sendatzeko tresnak Euskal Herrian autosufizientzian ekoiztearen ondorioak

Sendagaien eta sendatzeko tresnen eskasia arriskua aintz ttipitzen dugu.

Sendagaien eta sendatzeko tresnen ekoizpenean, garraioan, erabilpenean, berziklapenean eta desegitean sortzen den kutsadura aintz guttitzen dugu, eta ondorioz beroketa klimatikoa ere.

Behar duguna guhaurek gero eta gehiago ekoiztuz, beste langileen esplotazioa ttipitzen dugu.

Kontsumoa ttipitzen dugu, ondorioz lehengaien agortze arriskua ttipitzen dugu, eta ondorioz munduko herritar guzientzat aski lehengai izaiteko posibilitatea haunditzen dugu.

Denen osagarria hobetzen dugu.

#### Sendagaiak eta sendatzeko tresnak munduko herri guzietan autosufizientzian ekoiztu ahal izaitzeko baldintza

Denek lurra, lehengaiak eta ekoizpen bitartekoak erabiltzeko posibilitate berdina ukan behar dugu, hau da, lurra, lehengaiak eta ekoizpen bitartekoak denentzat berdintasunez eskuragarri izan behar dira. Adibidez, sendabelarrak erein nahi dituen orok, lurra lantzeko posibilitatea ukan behar du.

Sendagaiak eta sendagailuak ekoizten dituztenen eta beste ekoizpen batzuek egiten dituztenen artean, elgar eskaintza edo truke zuzena garatu: eman eta hartu, hartu eta eman, har eta eman, harreman.

Sendagaien eta arten prezioen goititzeak, eta eskasia arriskuak, kezkatzen gaituzte, baina euskal herritarren artean arriskua aurreikustea pozgarria zaigu.

# **Eguneko gaiaren oinarri teorikoa, eztabaida aintzin bakoitzak irakur dezala**

## **Agorrilaren 12a, ostirala: Garraiatu**

### **9:00**

Hurbileko giza taldeen autosufizientzia garraioan gaiarekiko, Herribiltzak duen ikuspegia zehaztea helburu duen oinarri teorikoaren inguruko eztabaida.

### **15:00**

Herribiltzaren Autosufizientzia Garraioan Batzordearen sortzea. Helburua: garraibide ahal bezain sinpleak Euskal Herrian ekoiztu:

- zapatagintza;
- garraiorako zaldien eta astoen hazkuntzarako tresnen ekoizpena;
- orgen eta bizikleten ekoizpena eta konponketa.

## **Oinarri teorikoa:**

### **Hurbileko giza taldeen autosufizientzia eraikitzen garraioan**

#### **Zergatik garraibide eskasia arriskua dugu Euskal Herrian?**

Euskal Herrian erabiltzen ditugun garraibide gehienak ez ditugu Euskal Herrian ekoizten, mundu mailako merkatutik eskuratzen ditugu: oinetakoak, bizikletak, autoak...

Euskal Herrian ekoizten ditugun garraibideak (autobusak, trenak...) ekoizteko, nagusiki mundu mailako merkatutik datozen ekoizpen bitartekoak erabiltzen ditugu: lehengaiak, makinak, makinak ibilarazteko energia...

Erabiltzen ditugun garraibideak ibilarazteko ere, nazioarteko merkatutik datorren energia erabiltzen dugu: petrolio, elektrizitatea...

Merkatuan ekoizpen edota banaketa arazoak baldin badira, merkatutik eskuratzen duguna eskasten ahal da. Merkatuan arazoak sortzen dituzte: gerlek, beroketa klimatikoak, pandemiek, lehengaien (ura, petrolio, metal urriak...) agortzeak, laborantxako lurren kaltetzeak, kapitalismoaren barne logikak (burtsen gainbehera...), esplotazioak eragindako langileen matxinadak...

Azken garaietan merkatuan gero eta arazo gehiago izan da, eta gero eta gehiago izanen direla pentsa daiteke.

Garraibideen prezioak azkarki goititu dira : autoak, ezantza...

Lehengai batzu eta energi iturri batzu eskasten ari dira.

#### **Nola garraibide eskasia aurreikus dezakegu Euskal Herrian?**

Garraibide ahal bezain sinpleak Euskal Herrian ekoiztu:

- zapatagintza;
- zaldien eta astoen hazkuntza eta garraiorako tresnen ekoizpena;
- orgen eta bizikleten ekoizpena eta konponketa.

#### **Garraibideak Euskal Herrian autosufizientzian ekoiztearen ondorioak**

Garraibide eskasia arriskua ainitz ttipitzen dugu.

Garraibideen ekoizpenean eta erabilpenean sortzen den kutsadura ainitz guttitzen dugu, eta ondorioz beroketa klimatikoa ere.

Behar duguna guhaurek gero eta gehiago ekoiztuz, beste langileen esplotazioa ttipitzen dugu.

Kontsumoa ttipitzen dugu, ondorioz lehengaien agortze arriskua ttipitzen dugu, eta ondorioz munduko herritar guzientzat aski lehengai izaiteko posibilitatea haunditzen dugu.

Denen osagarria hobetzen dugu.

#### **Garraibideak munduko herri guzietan autosufizientzian ekoiztu ahal izaitzeko baldintza**

Denek lurra, lehengaiak eta ekoizpen bitartekoak erabiltzeko posibilitate berdina ukan behar dugu, hau da, lurra, lehengaiak eta ekoizpen bitartekoak denentzat berdintasunez eskuragarri izan behar dira. Adibidez, garraiorako zaldien hazkuntzarako lurra, nahi duen orok erabiltzeko posibilitatea ukan behar du.

Garraibideak ekoizten dituztenen eta beste ekoizpen batzu egiten dituztenen artean, elgar eskaintza edo truke zuzena garatu: eman eta hartu, hartu eta eman, har eta eman, harreman.

Garraibideen prezioen goititzeak, eta eskasia arriskuak, kezkatzen gaituzte, baina euskal herritarren artean arriskua aurreikustea pozgarria zaigu.

## Eguneko gaiaren oinarri teorikoa, eztabaida aintzin bakoitzak irakur dezala

### Agorrilaren 13a, larunbata: Antolatu

Hurbileko giza taldearen autosufizientzia eraikitzen antolaketa politiko instituzionalean.

#### 9:00

Herribiltzaren izaera zehaztea helburu duten idazki proposamenen inguruko eztabaida.

Txiapaseko herri zapatisten autogobernuaz Herribiltzak duen ikuspegia zehaztu.

Kurdistango herrien Konfederalismo Demokratikoaz Herribiltzak duen ikuspegia zehaztu.

#### 15:00

Herribiltzaren Komunikazio batzordearen sortzea. Helburua : barne eta kanpo komunikazioa.

Barne komunikazioa:

- web orria.

Kanpo komunikazioa:

- aktualitateari lotuz, Herribiltzaren beharra aldarrikatu;
- jendarteko erakundeei Herribiltza ezagutarazi.

Herribiltzaren Hiritik Herrira Batzordearen sortzea. Helburua: munduaren oreka ekologikorako, hirietatik herri autosufizienteetara jende aintz bizitzera joan behar litzatekeenez, hiritarrak herrietara bizitzera joateko baldintzak sortu.

Herrialdeka bildu eta Herrialdeetako Biltzarrak sortu.

Herri zapatisten eta Herribiltzaren arteko harremanetarako Batzordearen sortzea.

Kurdistango herri autonomoen eta Herribiltzaren arteko harremanetarako batzordearen sortzea.

**Oinarri teorikoa:**

### **Independentzia eraikitzen!**

Frantziar eta Espainiar estatuen konstituzioek eta oinarrizko legeek, eta ondorioz beren instituzio politiko guziek, tartean Herriko Etxeek eta Udalek, Ipar Euskal Herriko Hiri Elkargoak eta Euskadiko eta Nafarroa Garaiko autonomiek, euskal herritarren, frantziarren, espainiarren eta munduko herritarren egoera sozial eta ekologiko kezagarria eragiten dute; bereziki eragiten dute:

- herritarrak egiazki erabakitzaileak ez izatea;
- genero ezberdinetako jendeen botere ezberdintasuna;
- esplotazioa eta langileen pobrezia;
- hizkuntza guttituen desagertzea.

Egoera kezagarri hori eragiten duten oinarrizko legeak aldatzea estatuen bortizkeriak eta izaera antidemokratikoak ezinezkoa egiten dutenez, estatuen menpe diren instituzio politiko baretan euskal herritarren nahi eta beharrak asetzeko ezinezkoa da, hauteskundeetan irabaziz ere.

Gauzak hola, gure nahi eta beharrak asetzeko, euskal herriaren konstituzioak eta legeak arautuko dituzten instituzio politiko burujabeak gu hauek eraiki behar ditugu, erabakitzeko ahalmena herritarren eskuetan izatea bermatuko dutenak, eta Frantziar eta Espainiar estatuengandik independenteak izango direnak.

Herritarrak egiazki erabakitzaileak izateko, instituzio politikoak herritarren biltzar burujabeak izan behar dira. Horretarako, Herribiltza, Euskal Herritarren Biltzarren Elkargoa, eraikitzen ari gara.

## Herribiltza

Herribiltza, Euskal Herritarren Biltzarren (batzarren, asanbladen) Elkargoa (federazioa), euskal herritarren biziei buruz erabakitzeke boterea egiazkiz gure eskuetan izaita bermatu nahi duen Euskal Herri osoko erakundea (instituzioa) da, egiazko demokrazia bermatu nahi duena beraz.

Herribiltzan edozoin hizkuntza erabil daiteke, baina lehentasuna eta nagusitasuna euskarari emaiten diogu.

Oinarrizko Biltzarra, herri, auzo, eraikin edo karrika baten auzotar hamarkada batzuek osaiten dute. Biltzarrak, auzotar adingabe bat noiz biltzarkide bilakaitzen ahal den erabakitzen du.

Biltzarran, kideen biziei, beharrei, nahiei, pozei, bihozminei eta arazoei buruzko eztabaidak egiten dira, eta biziko arlo guzietan gure nahiak eta beharrak gu haurek asetzeko, ekintza politiko, poetiko, ekologiko, sozial, kultural eta ekonomikoak gauzatzeko erabakiak hartzen dira.

Biltzarrak, biltzarkideen arteko adostasuna lortzeko ahaleginak egiten ditu. Lortzen ez duelarik, erabaki bat biltzarkide guziei behartzeko, erabakiak guttienez esku hartzaileen bi herenen onespena behar du.

Biltzarrak, bere erabakiak gauzatzeko, nahi duten biltzarkideei egin behar zehatzak agintzen dizkie. Egin behar zehatza, biltzarrarentzat erabaki batzuk hartzea izan daiteke, baina soilik premiazko egoeretan edo jokoan dena ez delarik garrantzi haundikoa edota itzuliezina.

Agindurik gabe ere, biltzarkideek bi bilkuren artean biltzarrarentzat erabaki batzuk har ditzazkete, baina soilik premiaztatik edo jokoan dena ez delarik garrantzi haundikoa edota itzuliezina.

Arazo bat ezin delarik Oinarrizko Biltzarran konpondu edota jokoan denak Oinarrizko Biltzarraren lurraldea gainditzen duelarik, lurralde zabalagoko (haran, herri haundi edo hiriko auzo) Oinarrizko Biltzarren artean elkarlana egiten da. Elkarlana, zuzenki oinarrizko biltzarren artean egiten da edota Oinarrizko Biltzarrak elkartzen dituen Lehen Hedadurako Biltzarren Biltzarran.

Oinarrizko Biltzarrek, Lehen Hedadurako Biltzarren Biltzarrerako guttienez bi bozeramaile hautaitzen dituzte, ahalaz genero eta belaunaldi ezberdinetakoak. Oinarrizko Biltzarrak, bozeramaileak aldizkatzeko ahaleginak egiten ditu eta edozein unetan alda ditzake. Bozeramaileek, Oinarrizko Biltzarraren boza (erabakiak) Biltzarren Biltzarrera eramaiten dute, eta Biltzarren Biltzarraren boza (proposamenak) Oinarrizko Biltzarrera eramaiten dute. Erabakitzeke boterea beraz, lurralde hedadura txikieneke biltzarran gelditzen da beti.

Lehen Hedadurako Biltzarren Biltzarra, Oinarrizko Biltzarren bozeramaile hamarkada batzuek osaiten dute; biltzarkideen arteko adostasuna lortzeko ahaleginak egiten ditu. Lortzen ez duelarik, proposamen bat Oinarrizko Biltzarrei egiteke, proposamenak guttienez esku hartzaileen bi herenen onespena behar du.

Arazo bat ezin delarik Lehen Hedadurako Biltzarren Biltzarran konpondu edota jokoan denak biltzar honen lurraldea gainditzen duelarik, lurralde zabalagoko (eskualde edo hiri) Oinarrizko Biltzarren artean elkarlana egiten da. Elkarlana, zuzenki lurralde zabalagoko Oinarrizko Biltzarren artean egiten da, edo lurralde zabalagoko Oinarrizko Biltzarrak elkartzen dituen Bigarren Hedadurako Biltzarren Biltzarran.

Bigarren Hedadurako Biltzarren Biltzarra, Oinarrizko Biltzarren bozeramaile hamarkada batzuek osaiten dute. Finkatutako bozeramaile kopuruaren arabera, Oinarrizko Biltzar bakoitzak hautatu behar dituen bozeramaile kopurua finkaitzen da.

Euskal Herriko Biltzarren Biltzarrerarte, Oinarrizko Biltzarren arteko elkarlana, Oinarrizko Biltzarrak elkartzen dituzten hedadura gero eta zabalagoetako biltzarren biltzarretan (hirugarrenekeoa, laugarrenekeoa...) egiten da.

Herribiltzak eraikitzen duen jendartearen oinarri sozial eta ekonomikoak hauek dira:

- genero ezberdinetako jendeen botere berdintasuna izaita;
- langileen esplotaziorik ez izaita; lankidetzazko eta elgar laguntzazko harreman ekonomikoak izaita;
- bizitzeko behar ditugun gauzak ukaiteko posibilitate berdina ukaita denek: bizitegia, jantziak, elikagaiak, energia, sendagaiak...
- hau da, bortizkeriarik gabeko giza harremanak izaita.

## Biltzarren eta batzordeen ibilmoldea

### Batzordeak

Batzordeak biltzarrentzat proposamen egileak dira, ez erabakitzaileak, eta biltzarren ibilmolde berdina dute.

Lurralde hedadura ezberdinetako batzordeen arteko elkarlana, biltzarren arteko elkarlana bezala egiten da.

Batzorde bat, denei irekia izan daiteke edo sortzen dutenek nori ireki erabaki dezakete, hurbiltasunez (afinitatez) osatutako batzordeak eraginkorragoak izan daitezkelako.

### Biltzarren eta batzordeen bilkuren eraginkortasunerako, denen ardura da:

- egitarauaren atal bakoitzarentzat aurreikusitako denboraren errespetatzea;
- bakoitzak erraiten duena eztabaidagaiari hertsiki lotua izan behar dela gogoratzea.

## Nola Herribiltza eraiki?

- 1) Euskal herritarrei Herribiltzako kideak izaita proposa.
- 2) Euskal Herriko lurralde hedadura guzietan, ber unean biltzarrak sortu: herri, auzo, eraikin, karrika, haran, herri handi, hiriko auzo, eskualde, hiri, herrialde eta Euskal Herria. **Biltzar bat bi** lagunen artean abia daiteke.
- 3) Euskal Herriko lurralde hedadura ezberdinetan, biziko arlo guzietan gure nahiak eta beharrak gu aurrek asetzeko batzordeak sortu: lana, bizitegia, energia, elikadura, lurra, osagarria, zaintza, justizia, autodefentsa, hezkuntza, ingurumena...
- 4) Batzorde guzi hauek hunkitzen dituzten arloetan Herribiltzatik kanpo jada lanean dihardutenak (elkarteetan, alderdietan, mugimenduetan, instituzio politikoetan...), Herribiltzaren batzordeetako eta biltzarretako kide izaitera gomita.

**Agorrilaren 14a, igandea: Ospatu**

**9:00**

Aitzineko sei egunen laburpena.

**13:00**

Herri bazkaria: sei orduz gerrenean osoki erretako txerrikia.

Garbiketa.